

2 Timoteo

Pablo Timoteore dipaturi gojabeopu

¹⁻² Mũhũ Timoteo yũ magũ iro dopa ta yũ mahigũ āhraa. Yũhũ Pablo mũre ire gojabeoa. “Árĩpehrerã Jesucristore umupeorã umũsigue òaro árĩniguicārācoma,” arĩ apimi marire Goãmũ. Īgũ eropa arĩ apirare werebure yũre beye apimi Jesucristo Goãmũ ĩgũ gamero dopa ta. Eropigũ Goãmũ mari Pagũ Jesucristo mari Opũ mera mũre òadorea. Eropigũ ĩgũ itamuri mera òaro árĩque mũhũ.

Masare Cristo yare erã wererare werepũ Pablo

³ Goãmũ mera wereniguigũ mũ ya árĩburire serēniguicãa umũri nũcũ. Eropã serēgũ Goãmũre “Ōhaa,” arãa yũhũ. Iribojegue majarã yũ acawererã ñeri dipuwaja mariro ĩgũ Goãmũre ta umupeoñuma. Erã umupeodiro dopa ta dohpaguere yũ sã ĩgũ Goãmũre ta umupeoa. Īgũ Goãmũ gohra ta āhrimi yũ mũre serēbasagũ. ⁴ Sohõ árĩrasubure yũ wacũ mũ orenũrsiarare guñagũ mũre turaro ĩadiaca daja mũ mera òaro mucubiridiagũ. ⁵ Eropigũ Jesure diaye ta mũ umupeorire guñaa yũhũ. Mũ ñeco bũro Loida, mũ pago Eunice sã Jesure umupeomũhtama mũ core. Eropigũ dohpaguere ĩgũre mũ umupeocũ òaro masia yũhũ.

⁶ Eropigũ ire mũre guñacũ iidiaa. Mũ dipuru weca yũ duhpeocũ Goãmũ ĩgũ ya turarire omi

mære. Īḡu ya árĩburire m̄u mohmemasiburire mære omi. Iri mohmemasiburi mera mohmeque m̄uh̄u. ⁷ Goãm̄u marire ĩḡu Espírítu Santore omi. Mari mera árĩḡu masare marire güicũ iibeami Espírítu Santo. Eropiḡu turarã, masare mahirã, pee masirã mari árĩcũ iimi ĩḡu. ⁸ Eropiḡu mari Op̄u ya árĩburire gajirãre wereḡu ḡuhyasĩribita m̄uh̄u. Yuh̄u ĩḡu yare iicũ ĩha gajirã gamebirã yure peregue doboma. Peresu yu árĩcũ sãre ĩaḡu yure ḡuhyasĩrisãbircãque. M̄uh̄u sĩporãguere ñero bujawerebircãque. Ōari buherire m̄u buheri dipuwaja m̄u sã eropa waḡu “Ōaroca,” arĩ pepique m̄u sã. M̄u eropa ñero taricũ ĩaḡu Goãm̄u mære itamuḡucumi. ⁹ Eropiḡu Goãm̄up̄u marire peamegue wabonirãre taumi. Eropiḡu ðarã ĩḡu yarã árĩmorãre beyep̄u ĩḡu. “Ōarã ãhrima erã. Eropiḡu erãre beyeḡura,” arĩbirip̄u marire beyeḡu. ĩḡu marire mahiḡu ta negohraguere marire beyep̄u ĩḡu gamero dopa ta iiḡu. “Eropiḡu Jesucristore erãre taubure obeoḡura,” arĩ beyep̄u marire. ¹⁰ Eropiḡu dohpaguere Jesucristore marire taubure obeodiḡu árĩmi marire diaye ta ĩḡu mahirire ĩhmuḡu. Eropiḡu Jesucristo marire tauḡu marire ĩḡu yarãre dederebircũ iimi. Eropa iiḡu “Yure umupeorã Goãm̄u mera ðaro árĩniguicãrãcoma,” arĩḡu ðari buherire marire wereḡu arip̄u ĩḡu.

¹¹ Eropiḡu i ðari buherire werebure ĩḡu apimi yure. ¹² Eropa ĩḡu yare buheḡu árĩḡu dohpaguere ñero taria yuh̄u. Eropa ñero tariquereḡu ta sĩporã mucubiriḡu ãhraa. Yu ḡuñaturaḡure

Jesure masia yũhũ. Turagu ãhrimi ĩgu. Eropigu ĩgu yare buhedore apigu ðaro itamugũcumi. Eropigu ĩgu yare apirare yare buhe ojogorocũ ĩhadibugũcumi yare. “Yũre itamugũcumi,” arĩ irire ðaro masigu sĩporã mucubirigu ãhraa.

¹³ Mũre yũ wererare iipehocãque. Jesucristo mũre ĩgũre ðaro umupeocũ iimi. Eropigu ĩgũre gajirã sãre ðaro mahicũ iimi mũre. Eropigu “Diaye ãhraa,” arĩ irire guñaniguicãque mũhũ.

¹⁴ Eropigu Espĩritu Santo mari mera arĩgu ĩgu itamuri mera ðari buherire ðaro buheque. Queoro buheque gajiropa arĩro mariro.

¹⁵ Yũ peresugue arĩcũ ĩarã yare cóãgãpehrea wama. Arĩpehrerã Asia yeba majarã Jesu yarã yare itamudiabirã cóãgãpehrea wama. Erã mera majarã perã Figelo, Hermógene eropa ta iima erã sã. Erã eropa cóãgãrare masituhaca mũhũ. ¹⁶⁻¹⁷ Erã eropa cóãquerecũ ta Onesĩforopũ bajasuburi yare itamugu ðaro siñajacũ iimi. Eropigu ĩgu yũ peresu arĩcũ ĩgu yare guhyasĩrisãbeamĩ. Eropigu Romague eragu yare amaniguicãdi arĩmi. Eropa amaniguigu yare bocami. Efesogue sãre ĩgu marire itamurare ðaro masia mũhũ. ĩgu eropiira waja ĩgu porãre, erã pago sãre mojomoro ĩagũcumi mari Opũ Jesucristo. Goãmũ eropa iiboro dopa ĩgũre serẽbasaa. ¹⁸ Eropigu i yebague Jesu mari Opũ dujaririnũ arigu ĩgũre mojomoro ĩagũcumi. ĩgũre eropa iiboro dopa ta serẽbasaa Goãmũre.

2

Ñero tariqueregu ta Jesu yagũre bocatũuro

gahmea

¹ Mupũ yũ magũ iro dopa ta Jesucristo ãgũ itamuri mera turagũ árĩque. ² Eropigũ bajarã masare yũ buherare mũ peerare gajirã sãre wereturiaque mũhũ. Erã mũ buherã Goãmũ gamerire iiniguicãrã árĩporo. Eropirã gajirãre buheturiarã árĩporo erã sã.

³ Surara ñero tarigũ ãgũ yujuro bojero dopa ta Jesu yagũ árĩgũ ñero tariqueregũ yujuro bojeque. Eropa iigũ gajirã Jesu yarã iiro dopa iigũ iiaa mũhũ. ⁴ Surara ãgũ opũ ãgũ doreripũre iimi. Eropigũ ãgũ surara árĩbirã erã iiripũre iibeami ãgũ. Mũ sã eropa ta mari Opũ ãgũ dorera dihtare iique. ⁵ Omabiragũ erã dorediro dopa queoro iibigũ ãgũ omatariara waja wajatabeami. Eropa ta mũ sã Goãmũ dorediro dopa ta iibigũ Goãmũ mera wajatasome. ⁶ Eropigũ pohere õaro mohmedigupũ ãgũ mohmera waja iri pohe majare aĩmũhtami. Eropa ta mũ sã Goãmũ yare õaro mohmera waja Goãmũ oburire aĩmũhtagũca. ⁷ Irire õaro masicũ iigũcumi Jesu mari Opũ mũre. Eropigũ dohpaguere yũ mũre arĩdirore õaro guñaque.

⁸ Jesucristore guñaque. ãgũ opũ Davi mũrũ pãrami ãgũ árĩpũ. Eropigũ sĩridigũ masa mũriapũ ãgũ. ãgũ eropa sĩri masa mũriara marire tauburi buheri ta ãhraa. I õari buherire buhegũ iiaa. ⁹ Iri buherire buhegũ ñero taria yũhũ. Eropirã irire yũ buhecũ ãha gajirã gamebirã ñegũ iro dopa ta yũre dipuwaja moa yũre peresugue doboama. Masa yũre cãhmotaquererã Goãmũ ya õari buherire

cāhmota masiya mara. ¹⁰ Eropigu Goāmũ ĩgu beyenirãre buhegu bajasuburi ñero taria yũhũ erã Jesucristo yarã erã árĩburire. ĩgu yarã árĩborore erã peamegue wabonirãpũ tauborore ñero tarigu yujuro bojea. Eropigu erã Goāmũ mera õaro árĩnigucãborore ñero taria ĩgu yare buhegu.

¹¹ I diaye ta āhraa:

Cristo ya árĩburire mari iira dipuwaja gajirã marire wejẽquerecũ ĩgu mera umũsigue õaro árĩnigucãrãca. ¹² Eropirã ĩgu yare mari iira dipuwaja ñero tariquererã ta ĩgu yare duhubirã árĩrã ĩgu opũ árĩroguere ĩgu mera dorerã árĩrãca mari sã. “Cristo yũ masibea,” mari gajirãre arĩcũ ĩgu sã marire eropa ta arĩgucumi.

¹³ ĩgure mari tarinugacũ ĩagu ĩgu arĩdiro dopa ta marire dipuwaja moagucumi. ĩgu arĩro dopa ta iigu āhrimi ĩgu. Ne gũyabeami ĩgu. I árĩpehreri ĩgu werera diaye ta āhraa.

Goāmũ ĩgu ĩhasũarãre, ĩgu yare buherãre werepũ Pablo Timoteore

¹⁴ Ire yũ wererare mũ mera majarãre masicũ iique. Erã ejatuharo game dũyaso wereniguiiri duhpiburi árĩbeaa. Eropirã erãre peerãre ñero wacũ iima. Eropigu mari Opũ ĩgu ĩhuro õpa arĩ wereque erãre. “Mũa eropa wereniguiiro dopa wereniguibiricãque,” arĩque erãre. ¹⁵ Mũpũ Goāmũ yare õaro buheque. Eropigu Goāmũ ya árĩburire turaro iique. Mũ eropa iicũ ĩagu “Õaro iibũ mũhũ,” arĩgucumi Goāmũ mũre. Eropigu

mũ buherare ĩḡũ ĩacũ ḡuhyasĩrisome mũhũ. ĩḡũ buheri diaye āhraa. Eropigũ ĩḡũ buherire ōaro masique. Eropigũ ire queoro buheque. ¹⁶ Erã ejatuharo bu árĩrire wereniguirã ñerire eropa iiniguicãma. Eropigũ erã eropa arĩ wereniguirire ĩha gamebircãque mũhũ. ¹⁷ Erã wereniguirire camiro boagãro iro dopa ta āhraa. Erã wereniguirire gajirã Jesu yarãre ñerã wacũ iiaa. Eropa wereniguirã mera majarã Hime-neo, Fileto sã āhrima. ¹⁸ Eropirã erã ōari buherire cóarã, “Jesu yarã sĩrinirã erã ya dũpũ mũra masa mũriatuhanirã āhrima,” arĩ buhe-maacãma. Eropa gajiropa buherã bajamerãgã Jesu yarãre goroweorã iima. ¹⁹ Erã eropa ñero buhequerecũ ta, Goãmũ ya buheripũ ne gohrotobea. ĩḡũ ya diaye maja árĩro pehrebea. Ōpa arĩ gojara āhraa: “Mari Opũ ĩḡũ yarãre masimi. Eropirã árĩpehrerã ‘Jesu yarã āhraa,’ arĩrã ñerire duhucãporo,” arĩ gojañuma.

²⁰ Jesu yarã watope āhrima Goãmũ yare ōaro iirã. Gajiropa iirã sã āhrima ñeri buherire wereniguirã. ²¹ Eropigũ yujugũ Goãmũ ya árĩburire ōaro itamudiagũ iri ñeri buherire peebircãporo. Árĩpehreri ñerire duhucãporo. ĩḡũ eropiigũ ōagũ árĩḡũ árĩpehreri Goãmũ yare ōaro iimasimi. Goãmũ gameḡũ ōaro árĩḡũcumi.

²² Eropigũ mũ mamũ árĩḡũ mamarã erã ñeri uaribejari iro dopa iibircãque. Eropigũ ōarire iique. Jesure umupeoturaniguicãque. Eropigũ ĩḡũre masa sãre mahi umupeoque. Eropigũ gamequeãro mariro gajirã mera ōaro árĩque mũhũ. Eropa ta iique gajirã ñeri dipuwaja

marirã mera Goãmure game serêniguirã mera árĩgu. ²³ Eropigu pee masibirã erã arĩ ðuyasorire mu sã peenurubita. Eropigu mu sã ðuyasobita. Eropa arĩ ðuyasorã masa game gameturinugama. ²⁴ Mari Opu pohro majagure ðuyasobiricãro gahmea. Eropigu árĩpehrerãre ôaro iigu buhemehregu, mata guabigu ïgure árĩro gahmea. ²⁵ Eropigu gajirã ïgu mera ðuyasocũ ïgu erãre weregu ôaro mera yojaro mariro mera yuhriro gahmea ïgure. ïgu ôaro yuhricũ ïarã erãpu Goãmu ïgu itamuri mera erã ñeri iirire bujawerebocoma. Eropirã ôari buherire diaye majare masinugabocoma. ²⁶ Erãre watĩ oparimi ïgu gamerire iimorãre. Eropirã erã ñero iirare bujowerera puhru ôari buheripure masirã, watĩre cóãrãcoma.

3

Pehreburinu majare werepu Pablo Timoteore

¹ I umu pehreburinu coregã ñero tarirãcoma masa. Irire ôaro masique muhu. ² Irisubure masa gajirãre guñabirã, erã ya árĩburi dihtare guñarã, niyerure gamerã, “Gajirãre tarinugaa guu,” arĩ erã basi pepirã, masare ñero turirã, erã pagu sumarãre tarinugarã, erãre oquerecũ ta “Ôhaa,” arĩbirã, Goãmure umupeobirã árĩrãcoma. ³ Eropirã masare mahibirã, mójomoro ïabirã, ñeri quere iirã, ñeri haribejarire duhumasibirã, masare eropa paniguirã, ôarire gamebirã árĩrãcoma. ⁴ Erã mera majarãre ñero iirã, pepiri moorã, “Masipehorã ahraa,” arĩ pepirã árĩrãcoma masa. Eropirã erã, erã

uaribejarire iisuarã árĩrã Goãmũre umupeo suabeama. ⁵ Eropirã erã masa erã ñhabeoro Goãmũre umupeoquererã ta “Goãmũ duhpibu árĩbeami,” arĩ pepirima erã.

Eropa árĩrãre wapicũbircãque mũhũ. ⁶ Erã mera majarã pee masibirã nome pohro ñaja, erã nomere gũyarire buhema. Erã nomepũ turaro ñerire iiniguirã árĩrã, turaro ñerire iidiarã ãhrima. ⁷ Erã nome eropa peeniguirã nome árĩquererã ta, diaye majapũre ne masibeama. ⁸ Iribojegue Jane, Jambre sã yeea árĩnirã Moise wererare gamebiridiro dopa ta erã sã õari wereniguirire diaye majare gamebeama. Erã ñeri dihtare pepirã ãhrima. Eropirã Jesure umupeorã gohra árĩbeama. ⁹ Eropa iirã gũyari mera erã iidiarire yujuro bojesome. Pũhrũ erã gũyarire, erã pee masibiriri sãre árĩpehrerã ñha masirãcoma. Jane, Jambre mera erã gũyarire iribojegue masa erã ñha masidiro dopa ta eropa ta masirãcoma masa pehreburiũ coregã árĩrã erã gũyarire.

Pablo Timoteore doretupũ

¹⁰ Mũpũ yũ buherare, yũ árĩricũrãre, yũ iidiarare, Jesure yũ umupeorare õaro ñhabũ. Eropigũ guaro mariro yũ iirare, masare yũ mahi umupeorare, ñero tariqueregũ yũ yujuro bojerare masia mũhũ. ¹¹ Eropigũ Jesucristo yare yũ iira waja yũre erã ñero iirare, yũ ñero tarirare masia mũhũ. Eropigũ Antioquiague, Iconiogue, Listrague yũre ñetariaro erã iira sãre masia mũhũ. Eropa yũ wacũ ñha mari Opũ Jesucristopũ yũre itamumũrimi. ¹² Árĩpehrerã

Jesucristo yarã árĩdiacũ Goãmũ gamerire iinigu-idiacũ gajirã erãre ñero iirãcoma. Iri diaye ta ãhraa. ¹³ Eropirã ñerãpũ, gũyarã sã, ñetariarã árĩniguicãrãcoma erã. Gajirãre gũyarã, erã basi sã gũyarire peerã eropa ta ñetariarã árĩniguicãrãcoma.

¹⁴ Mũpũ yũhũ mũre buherare õaro mũ peer-are eropa iiniguicãque. Mũre buhenirãre masia mũhũ. ¹⁵ Mũ majigũ árĩgũgue ta, Goãmũ yare erã gojarapũre masinũgayoro. Īgũ yare erã gojarapũ mũ buhegũ masia Jesucristo marire tauburire. Eropa buhegũ “Jesucristo umupeorã dihtare peamegue wabonirãre taumi Goãmũ,” arĩ masia. ¹⁶ Goãmũ yare erã gojarapũre árĩpehrerire Goãmũpũ gojadorepũ erãre. Eropirã iripũre buherã mari masinemoa. Iripũre buherã mari õaro iiburire masia. Eropirã mari ñeri iirire masia iripũre buherã. Eropiro iripũ marire õaripũre gohrotodorea. Eropiro mũmũri nũcũ mari õarire mari iinigu-iburire werea iripũ. ¹⁷ Eropigũ Goãmũ yagũ ĩgũ yapũre buhegũ, masipehocãgũcumĩ. Eropa masigũ árĩpehrerire õarire iimasigũcumĩ ĩgũ.

4

¹ Jesucristo árĩpehrerãre doregũ arigũ du-jarigũcumĩ. Eropa dujarigũ ojocarirãre, sĩrinirã sãre dipuwaja moagũcumĩ. Eropigũ ĩgũ ĩhabeoro ire mũre dorea yũhũ: Goãmũ sã ĩgũ ĩhabeoro ire dorea mũre. ² Mũmũri nũcũ masa erã peediacũ, erã peediabiricũ sãre Goãmũ yare wereque. Eropa weregũ masare erã ñeri dipuwajare masicũ iique erãre. Eropigũ “Mũa

ñeri iirire iinemobiricãque,” arĩ wereque erãre. Õaripãre iidoreque. Eropa weregũ ne guabigu gariborebigũ árĩque mũhũ. Eropigu gajirãre buhe duhubita. ³⁻⁴ Pũhrũ, gajisubuguere masa õari buherire peediasome. Eropa peediabirã erã gamero dopa ta iirã, erã peediari dihtare buhemorãre amarãcoma erã. Eropirã gũyari buherire buherã bajarã oparãcoma erã. Erã eropa iirã õari buheri diaye majarũre cohã, erã eropa arĩ bocara buheripũre peenũrũrãcoma. ⁵ Eropigu mũrũ diaye majare buhe duhubita. Eropa iigu mũrũ nũcũ õaro pee masigu árĩque. Eropigu ñero tariqueregũ ta yujuro bojeque. Eropigu õari buherire eropa buheniguique masa Jesu yarã waboro dopa. Goãmũ mũre iigu iidorerare iipehocãque mũhũ.

⁶ Yũhũ Goãmũ yare yũ iira dipuwaja yũ sĩriboro merogã dũhyaa. Eropigu bajamenũrigã árĩnigũca. Eropigu dohpaguere mũre dorea. ⁷ Yũ sĩriboro coregã ire weregũra: Jesucristo yũre õari buherire buhedoregũ iigu apirare õaro buhe ojogorocũabũ. Iigu dorerire õaro iipehocãbũ. Eropigu ñero tariqueregũ ta iigũre ne umupeo duhubiribũ. ⁸ Yũ eropa õarire iira wajare mũmũsigue dibugũcumi yũre. Eropigu mari Opũ árĩpehrerãre masipehogũ, diaye ta dipuwaja moabu árĩgũ, queoro weregũ iigu dujaririnũ yũ wajatarare ogũcumi yũre. Gajirã sãre iigu dujariborore corerãre, iigũre mahirãre erã wajatarare ogũcumi Jesu.

Pablo werenemopũ Timoteore

9 Yũ pohrogue yojaro ñagũ arique mũhũ.
 10 Dema waĩcũgũ i yeba majare árĩpeherrerire gamegũ yũre cóãgã waha wami Tesalónicague. Crescentepũ yũre cóãbiriqueregũ Galacia yebague wahámi Goãmũ yare buhegũ. Tito sã eropa ta Dalmaciague wahámi. 11 Luca dihta yũ mera áhrimi. Marco yũre ðaro itamubu áhrimi. Eropigũ ñgũre aĩgãrique mũhũ. 12 Tíquicore Efeso macague obeoabũ. 13 Eropigũ mũhũ ðgue arigũ, yũ weca sañari suhrirore, Troa maca Carpo ya wihi yũ apirañere aĩgãrique. Eropi sohõ árĩra gojara turirire aĩgãrique. Sohõ árĩra gojara gasiri tamerare turaro gahmea yũhũ. Eropigũ iri gasiri sãre aĩgãrique.

14 Alejandro comere mohmegũ yũre ñetariaro iimi. Eropigũ ñgũ eropa iira dipuwaja Goãmũ dipuwaja moagũcumi. 15 Ñgũ Alejandro mari buherire ne gamebirimi. Eropigũ mũare ñero iiri arĩgũ ðaro ñgũre guña masique.

16 Peresu iidoregũre yũ iirare ñgũre yũ ne werecũ ne yujugũ Jesu yagũ yũre itamudiabirimi. Árĩpeherrerã yũre itamubirã cóãgãpehrea wama. Erã eropa cóãquerecũ ta yũre erã cóãra dipuwaja Goãmũre “Erãre dipuwaja moabita,” arĩbũ. 17 Yũ yujugũ ta arĩquerecũ ta Goãmũ ðaro áhrimi yũ mera. Eropigũ ñgũ buherire yũ ðaro wereburire weremasicũ ñgũ turari mera itamumi yũre. Árĩpeherrerã Judio masa arĩbirã iri buherire erã peeburire werecũ itamumi. Eropigũ masa erã yũre ñero iidiaquerecũ ta yũre erã ñero iibodigũre itamumi mari Opũ. 18 Árĩpeherrerire erã yũre ñero iirire

yure taugucumi mari Opu. Eropigu umusigue igu Opu arĩrogue yu arĩborore itamugucumi igu. Eropirã “Mari Opu ðatariagu, turatariagu aħrimi,” arĩpehrerinari arĩrã mari. Eropa ta arĩrã.

Pablo ðadorepu Timoteo pohro arĩrãre

¹⁹ Priscila, igo marapu Aquila, Onesíforo ya wihi majarã sã ðaporo. ²⁰ Erasto Corintogue dujami. Trófimo dorecua wahámi. Eropigu Miletogue apiabu igure. ²¹ Puhiró core yojaro ariq̃ue m̃h̃u. Eubulo, Pudente, Lino, Claudia sã, arĩpehrerã Jesu yarã m̃re ðadorema.

²² Mari Opu Jesucristo m̃u mera arĩporo. Eropigu m̃are Goãm̃u mera turaro ðadorea. Eropa ta arĩniguicãporo. Iripêta aħraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1